

【跋山】劉玉蕉原作

天旨光，狗咭吠，阿姆斯特在咻咧！「阿榮啊，好疏咧，日頭愛出來哩啲！」

「阿珍珠，遽遽著鞋啲，愛出門哩啲！」

天甫甫光，日頭還在睡目，吾等一家屋斯目擘擘起腳行，共下去跋小中崙山咧。山路狹狹，草面頂個露水吉散，分吾等個腳徑啊著，斯歸串歸串碾落地泥，一粒一粒金哲斯像珍珠個樣，靚都奈毋得！吾心肝肚偷偷慚：若用厥等來串一條珍珠殼鍊，送分阿姆戴，毋知幾靚哦！

涼爽個風，一陣一陣吹來，路脣個花花草草，分佢吹去領頭拘腰寬寬行禮，斯像該戲臺面頂，落力表演個大明星共樣。行到山下，老妹招佢拚輸贏，看麼人使得先跋上山棟頂。兩儕斯恁泥頭聲聲，麼人都毋認輸，相爭拚往上。偌座大當然輪毋得，歸路毋敢停途，鼻噴噴嘆大氣轟天，直直拚上山，跋到山頂，抓緊心臟，佢啊跳去硬硬像愛恬撇個樣哦！

「哇！山頂個風當涼呢！」看往下，老妹還在半山排，一個面頰卵紅啾啾，偌看哪，廟肚個關公都無佢恁紅哦！一張嘴擘啊擘，

又像細狗在敬氣，實在有罇古董，有罇好笑！

山頂個風，特別清，特別涼爽，風裡肚有東勢果子个香氣，有花花草草个清甜味瑞，這風吹都人歸身鬆爽，吹都人透心涼，進前跋山个艱苦，到這下也做下毋記得咧！樹頂絡食个鳥濟濟借借，跳上跳落叫無停，草竇个蟲毋願輸佢，也唧唧滾應聲。打早，山頂斯恁泥鬧熱濟濟咧！遠望該山下，遠遠个東勢，到今還蒙核一層紗，在蒙紗煙肚都毋知好醒呢！

「遽遽，大家看！還靚哦！」

東片个雲像點點胭脂個樣，紅霞紅霞，紅霞退撇，係千條萬條个金色光，對山个背後射出來，無幾久，一粒大火球，斯對山頭跳出來咧，最都人擘毋開目，最都蒙紗遽遽隱身。日時頭个事頭，對這下正正式起勢呢！

企在山棟頂，吾等放勢享受打早个光景，登高眺望个開闊視野，分人心情快活，分人知得感恩，感恩大自然賜分人恁泥个好環境。阿爸長在講：「早疏床个鳥斯有蟲好食。」到這下，偌總算體會著這句話个意思咧！

【鮑鰕】羅紫云原作

「羞羞羞，羞羞羞，無面見阿舅，阿舅打草鞋，鮑鰕鑽入泥。」
聽著這首童謠時，玄玄風恆著頭擺讀書該下，鮑鰕，帶分佢永久記得，發夢都會流口涎个幸福，到今還清清楚楚。

鮑鰕，麼个都食，係一種當特別个淡水魚，生活在河壩、陂塘、田肚、圳溝，深灰色个圓身帶有烏花，頭那細細，目珠乜細細，還有生鬚，圓身圓圓 3、4 寸長滑溜溜，肉質當幼，營養價值高，使得入藥，養身功效好，還係一路當好个「桌心菜」，正有「水中之參」个講法哦！

較早該下，農藥無恁時行，有水有濫泥个位所，滿哪都會生鮑鰕，田肚一年四季都有，捉都捉毋撒。鮑鰕滑溜溜，平常時無恁該捉，一年之中有兩擺盡好捉，一擺係「煤秋」¹，也有人講「煤鰕」，立秋過後，天時還當熱，秋老虎出現，鮑鰕分田水燒去昏哆哆，肚屎貶白貶白浮在水肚看現現，吾等斯相賽拿錫桶、細鏟、鮑鰕籃，在田項拈鮑鰕，兩下半斯一桶，暢都暢合毋密。還一擺係冬禾割起來，收冬後，耕種人會犁田，同泥坯搗起來分日頭晒，來年正會有好收成。阿爸係耕田人，到阿爸犁田該下，佢斯會攞緊錫桶，跔在

¹ 煤鰕：音 sab` ciu+；水煮泥鰕。

阿爸後背拈鮑鰕，吾目珠金，手腳遽，一尾都毋會瀉走，長在都歸桶歸桶攞轉屋家，交分阿姆處理。

阿姆講：「鮑鰕，愛富養有兩日，分佢呖泥呖淨來，放兜鹽落去分佢呖，厥歸身黏个瑜膏斯會鼓淨淨，正來放落鏟頭肚用柔柔个火，慢慢煨燥來，臨尾用闊口甕張起來，到愛煮之時，撮一撮，放兜薑嫻絲、七賢插、蔭豉，過滴一屑屑豆油落去，香噴噴个一盤上等鮑鰕料理斯出桌咧。」一家大細目瞋瞋²看這盤「桌心菜」，密密挾無停，該斯還扯飯哦！長在愛食加幾碗飯。

這乜係吾个飯包菜，有一擺，有一個都市好額个同學，食畫該下行上行落，佢想這毋成菜敗勢分佢看著，會見笑，飯包蓋揷起來，無想著噯錫來厥个注意，硬硬愛試食，了後，幹頭，將自家飯包肚个雞髀、煙腸做下同佢換鮑鰕，還講：「高毛嫻，這恁好食个東西，仰好自家偷偷食。」自這擺過後，吾个飯包蓋毋識過揷，因為佢知咧，佢有个佢無，佢有个佢無，大家相交菜來食，係當生趣个事，這乜係佢第一擺食著煙腸，感覺還幸福哦～

頭擺便宜都像狗屎个鮑鰕，今這下一斤噯愛幾百銀正買得著，時代正經變咧！

² 目瞋瞋：音 mug` zhim` zhim；睜大雙眼看。

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁清楚。像佢，斯朝脣頭就洗一擺牙齒忒等，嘴又豺，當好食糖，所以，自細佢對牙齒疾个印象當深。

牙齒一疾啊起來會致命哦～細人嗽去唉唉¹，大人無結無煞。該當時無麼个止疾藥，阿姆喊佢：「冷水含核！毋好緊嗽！」講越嗽會越疾。到尾，換牙該下，阿姆吩咐，試著舊牙有一滴滴搖，斯愛用舌嫌緊²；過用兩枝手指拈緊牙齒搖分佢敲，使毋得癢³驚疾。若係毋煞猛搖，等新牙暴出來無位好企个時節，「歸口牙齒生去歪梨⁴，該正醜哪～」阿姆逐擺恁泥半嚇半拐佢。

細門牙脣項該兩枝「虎牙」也已重要，阿姆講無較細義兜，暴出尖尖翹个「豬哥牙」來，該就死皺咧哪！一半下，佢看佢懶尸、無要無緊个樣，將就拿一條白車線，將吾牙齒綯⁵綯⁶，出力一掙⁶，

¹ 唉唉唉：音 ai+ ai+ rho^ˋ rho^ˋ；哭個不停。

² 西：音 te^ˋ；用舌頭往外推。

³ 癢癢：音 rhong+ ve+；嬌慣，動輒大叫。

⁴ 歪梨：音 nguai+ li^ˋ fe^ˋ gua+；形容歪斜不正。

⁵ 綯綯：音 to^ˋ hen^ˋ hen^ˋ；綁得緊緊的。

⁶ 掙：音 dui^ˋ；用力扯。

牙齒斯跔緊白線飛出來咧。上顎擲著个牙齒，腳愛企比比⁷擲去眠床下；下顎擲著个愛擲上屋頂，講恁泥牙齒生來正會齊。

記得佢有一枝後角个大牙，係分做「撮把戲」个人擲撇个。該當時，佢讀小學兩年生，有戲班來莊頭做戲兼賣藥。厥等賣一種止疾藥水，講牙齒疾个時節點落去使得止疾，牙齒擲撇了後來點，較遽收口止血。佢問現場个細人：「有麼人牙齒敲無？佢同佢擲毋使錢哦～」緊講緊行到吾面頭前，奇怪呢，佢都無講愛分佢擲啊！佢啞喊佢嘴擘開開，擎一枝鉗，手腳伶俐一下斯同吾牙齒擲撇咧。背尾佢想，定著係企吾後背个阿姆偷偷同佢講个。

到較大咧，了解牙齒个重要性，曉得細義注意牙齒个健康。當愛靚个佢，逐擺看著自家个牙齒生來齊齊無歪撇，正知愛勞歷阿姆該當時恁有耐心教佢。

⁷ 比比：音 be^ˋ be^ˋ；齊。

【蹶山】劉玉蕉原作

天吉光，狗言吠，阿姆就在該咻哩！「阿榮啊，好疏哩，日頭愛出來哩啲！」

「阿珍珠，遽遽著鞋啲，愛出門哩啲！」

天甫甫仔光，日頭還在該睡目，佢兜一屋下人就目擊摩仔起腳行，共下去蹶小中崙山哩。路狹狹仔，草面頂个露水吉散，分佢兜个腳徑啊著，就歸串歸串碾落地泥，一粒一粒金簪像珍珠樣仔，靚到耐毋得！吾心肝肚偷偷想：若係用佢兜來串一條珍珠殼鍊，送分阿姆戴，毋知幾靚仔哦！

涼爽个風，一陣一陣吹來，路脣个花花草草，分佢吹到搖頭拗腰，領頭行禮，就像該戲臺面頂，煞猛表演个大明星共樣。行到山下，老妹湊佢拚輸贏，看麼人先跋上山嶺頂去。兩儕就恁樣頭聲聲，麼人都毋認輸，相爭拚往上。佢座大當然輸毋得，歸路毋敢停跔，鼻噴噴大氣緊啟，直直拚上山，蹶到山頂，撒等心臟，佢斯跳到硬硬像愛恁樣仔哦！

「哇！山頂个風當涼呢！」看往下，老妹還在半山排，厥个面頰卵紅啾啾仔，佢看哪，廟肚个關公都無佢恁紅哦！一張嘴擘啊擘

仔，又像細狗仔啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身仔鬆爽，吹到人透心涼，進前蹶山个艱苦，到這下也做下毋記得也！樹頂絡食个鳥仔嘖嘖啾啾，跳上跳下叫無停，草竇个蟲仔毋願輸佢，也唧唧滾應聲。打早，山頂就恁仔鬧熱嘖嘖哩！眺望該山下，遠遠个東勢，到今還蒙等一層紗，在濛紗煙裡肚睡到毋知好醒呢！

「遽遽，大家看！還靚哦！」

東片个雲像打吔粉樣仔，紅霞紅霞。紅霞退忒，係千條萬條个金色光，對山仔个後背射出，無幾久，一粒大火球，就對山頭跳出來哩，晟到人擘毋開目，晟到濛紗遽遽隱身。日時頭个事頭，對這下正正式起勢呢！

企在山棟頂，佢兜放勢怙享受打早个光景，登高眺望个開闊視野，使人心情快樂，分人知得感恩，感恩大自然賜分佢人恁仔个好環境。阿爸長透講：「早疏床个鳥仔就有蟲仔好食。」到這下，佢總算體會著這句话个意思哩！

【鮑鯪仔¹】羅紫云原作

「羞羞羞，羞羞羞，無面見阿舅，阿舅打草鞋，鮑鯪鑽入泥。」聽著這首童謠，跔等會想著頭擺讀書該下，鮑鯪仔，帶分係永久記得、發夢就會流口涎个幸福，到今還清清楚楚。

鮑鯪仔，麼个都食，係一種當特別个淡水魚，生活在河壩、陂塘、田坵肚，深灰色有烏斑，頭那細細仔，目珠也細細仔，還有生鬚，圓身圓圓3、4寸長滑溜溜仔，肉質當幼，營養價值高，做得藥，養身功效好，還過係一品當好个「桌心菜」，故所正會有「水中之參」个講法。

較早該下，農藥無恁時行，總愛有水有濫泥个位所，滿哪仔就會有鮑鯪仔，尤其係田坵肚，一年四季都有好收成，捉就捉毋忒。鮑鯪仔滑溜溜仔，平常時無恁該捉佢。記得一年有兩擺盡好捉，一擺係「煎秋日」，也講「煎鯪日」，立秋過後，天時還當熱，秋老虎出現，鮑鯪仔分田水燒到昏哆昏哆²，走出來分人看現現，大人細子相賽掇等錫桶在田項撈鮑鯪仔，兩下半就一桶，暢到嘴都合毋掣。還有一擺係冬禾割起來，收冬過後，耕種人會犁田，撈泥坯搗起來分日頭晒，來年正會有好收成。吾爸係耕田人，到阿爸犁田該下，

¹ 鮑鯪仔：音 fu³ qiu³ e³；泥鯪。

² 昏哆昏哆：音 fun³ de³ fun³ de³；糊塗、精神意識不清楚的意思。

佢就會掇等錫桶，跔等阿爸後背拈鮑鯪仔。吾目珠金，手腳遽，一尾也毋會分佢漂走³，長透也歸桶歸桶仔掇轉屋下，交分阿姆處理。

阿姆講：「鮑鯪仔，愛養成兩日仔，分佢吓⁴泥吓淨來，放兜仔鹽落去分佢洄洄啊，厥圓身黏黏液膏个就會敲淨淨，正來放落鑊肚用柔仔个火，慢慢仔煨燥來，用盘仔張起來。到愛煮个時節，撮一撮鮑鯪仔，放兜仔薑絲、七層塔、烏豆豉，過滴一息豆油落去，香噴噴个一盤上等鮑鯪仔就出桌咧。」一家大細斯揪等這盤「桌心菜」，密密挨無停，該斯還扯飯喔！長透都愛食加幾下碗飯添。

還過這也係吾个飯筍仔菜，有一擺，有一個都市好額个同學食晝該下行上行下，佢想這毋成菜敗勢分佢看著，會見笑，飯筍蓋仔煞煞拚起來。無想著哽錫來佢个注意，強強愛試食，過後，佢幹轉頭，撈自家个飯筍仔拿過來，雞脾、煙腸做下撈佬換換鮑鯪仔，還講：「孤盲嫌，這恁好食个東西，仰好自家偷偷仔食。」自這擺過後，佢个飯筍蓋仔毋識拚，因為佢知咧，佢有个佢無，佢有个佢無，大家互相交換食个係一件當生趣个事情，這也係佢第一擺食著煙腸，感覺還幸福哦！

頭擺便宜過火灰个鮑鯪仔，這下一斤愛幾下百銀正買得著，時代正經變咧！

³ 漂走：音 piu zeu³；滑走。

⁴ 吓：音 pi；從嘴巴裡用力將東西吐出來。

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁詳細。像佢，就朝晨頭就床搓一擺牙齒定，嘴又豺¹，當好食糖仔；故所，佢對自家做細人仔個時節，輒輒牙齒痛個印象當深。

牙齒一痛啊起來，會收人個命哩！細人仔噉到噉惶殺天²，大人無結無煞。該央時無麼个止痛藥，阿姆喊佢：「冷水含等！毋好緊噉！」講越噉會越痛。背尾，換牙齒該下，阿姆吩咐佢：試著舊牙有一滴仔搖，就愛用舌嫌緊西³，續等，兩支手指拈等牙齒搖分佢啟，做毋得羊噉⁴驚痛。若係毋煞猛牯搖，等新牙暴出來無位仔好企個時節，「歸口牙齒生到歪哥泊杈⁵，該就嫚哩啲！」阿姆逐擺恁樣嚇佢。

細門牙旁脣該兩支「虎牙」也盡重要，阿姆講無較細義兜仔，暴出尖尖翹个「豬哥牙」來，該就壞蹄地哪！成時，佢看佢解解

怠急⁶、無要無緊樣仔，將就拿一條白車線，膠吾牙齒綯綯，出力一挽⁷，牙齒就跔等白線飛出來咧。上齡⁸擲著个牙齒，腳愛企比比⁹擲去眠床下；下齡擲著个愛擲上屋頂，講恁樣牙齒生著正會齊。

記得佢有一支後角个大牙，係分做「撮把戲」个人擲忒个。該央時，佢讀小學兩年生，有戲班仔來莊頭做戲兼賣藥仔。但兜賣一種止痛藥水，講牙齒痛個時節點落去做得止痛，牙齒擲忒了後來點，較遽收口止血。但問現場个細人仔：「有麼儕个牙齒啟啟無？佢擲佢毋使錢呢！」佢緊講緊行到吾面前。奇怪哩，佢就無講愛分佢擲啊！佢噉喊佢嘴擘擘打開開，擎一支鈹仔，手腳伶俐就膠吾牙齒擲忒咧。背尾佢想，定著係企在後背个阿姆偷偷膠佢講个。

到較大來，了解牙齒个重要性，曉得細心細意注意牙齒个健康。當愛靚个佢逐擺看著自家个牙齒生到齊齊無歪忒，正知愛感謝阿姆該央時恁有耐心教佢。

¹ 豺：音 sai^ˋ；嘴饞、貪吃的樣子。

² 噉惶殺天：音 ve^ˋ vɔŋ^ˋ sad^ˋ tien^ˋ；高聲呼叫。

³ 西：音 te^ˋ；用舌頭往外推。

⁴ 羊噉：音 iɔŋ^ˋ ve^ˋ；嬌慣，動輒大叫。

⁵ 歪哥泊杈：音 vai^ˋ go^ˋ qi ca^ˋ；歪斜不正。

⁶ 懈懈怠怠：音 hai hai tai tai；懶散不勤勞。

⁷ 挽：音 dui^ˋ；用力拉特定對象，使其脫離原本所在的位置。

⁸ 上齡：音 song ngam^ˋ；上顎。

⁹ 企比比：音 ki^ˋ be^ˋ be^ˋ；站齊。

【跋山】劉玉蕉原作

天旨光，狗吉吠，阿姆就在該喊也！「阿榮啊，好跣也，日頭晒屎咄也哟！」

「阿珍珠，遽遽著鞋哟，愛出來哟！」

天甫甫仔光，日頭還在該睡目，偌等歸家人就目擘擘起腳行，共下去跋小中崙山也。路狹狹，草面頂个露水毋曾散，分偌等个腳徑啊著，就歸串歸串碾下地泥，一粒一粒金晷晷像珍珠樣仔，靚啊耐毋得！偌心肝肚偷偷恹：若用佢等來串一條珍珠骰鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹去領頭拗腰緩緩行禮，就像該戲臺面頂，盡力表演个大明星共樣。行到山下，老妹邀偌拚輪贏，看麼人做得先跋上山頂高去。兩個人就恁呢頭頭磬，麼人都毋認輪，相爭拚往上。偌座大當然輸毋得，歸路毋敢停頓，鼻噴噴大氣緊啟，直直拚上山，跋到山頂，扭等心臟，親像跳去硬硬愛恬核樣仔哦！

「哇！山頂个風蓋涼呢！」看啊下，老妹還在半山排，一個面頰卵紅啾啾，偌看哪，廟肚个關公都無佢恁紅哦！一張嘴擘啊擘，

又像細狗仔在該啟大氣，實在有罇古琢，有罇好嚟！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹啊人歸身鬆爽，吹啊人透心涼，進前跋山个艱苦，到這下也做下毋記得也！樹頂絡食个鳥仔唧唧啾啾，跳上跳下叫無停，草堆頂个蟲仔毋願輸佢，乜唧唧滾應聲。打早，山頂就恁呢鬧熱濟啫也！遠看該山下，遠遠个東勢，到今還蒙等一層紗，在蒙紗煙肚睡都毋知好醒呢！

「遽遽，大家看！還靚哦！」

東片个雲像點點胭脂樣仔，紅霞紅霞，紅霞退核，係千條萬條个金光，對山个背項射出來，無幾久，一粒大火球，就對山頭跳出來也，晟啊人擘毋開目，晟啊蒙紗遽遽隱身。日時頭个事頭，對這下正正式開始呢！

企在山頂高，偌等自在享受打早个光景，登高遠看个闊野野个平洋，分人心情爽快，分人知得感恩，感恩大自然賜分偌等恁仔个好環境。阿爸不時在講：「早跣床个鳥就有蟲仔好食。」到這下，偌總算體會著這句話个意思咧！

【鮑鰱仔】羅紫云原作

「差差差，差差差，無面見阿舅，阿舅打草鞋，鮑鰱鑽入泥。」聽著這首童謠時，隨想著頭擺讀書該下，鮑鰱仔，帶分佢永久記得，發夢就會流口涎水个幸福，到今還清清楚楚。

鮑鰱仔，麼个都食，係一種蓋特別个淡水魚，生活在河壩、陂塘、田坵肚，深灰色有烏斑，頭那細細仔，目珠也細細仔，還有生鬚，歸尾仔圓圓，3、4寸長，滑溜溜仔，肉質蓋幼，營養價值高，做得做藥仔，養身仔功效也好，還過係一種蓋好个「桌心菜」，故所正有「水中之參」个講法哦！

過早該下，農藥無恁時行，斯愛有水有濫泥个所在，一哪仔就會有鮑鰱仔，尤其係田坵肚，一年四季都有好收成，扭就扭母核。鮑鰱仔滑溜溜仔，平常時無恁好扭，記得一年有兩擺盡好扭，一擺係「煎秋日」，也講「煎鰱日」，立秋過後，天時還蓋熱，秋老虎出現，鮑鰱仔分田水燒到昏哆昏哆，走出來看現現，相爭擺等錫桶在田項撈鮑鰱仔，兩下半就一桶，暢到合嘴毋拏。還有一擺係冬禾收割來，收冬後，耕種人會犁田，將泥坯掄起來分日頭晒，來年正會有好收成。

佢爸係耕田人，到阿爸犁田該下，佢就會擺等錫桶，跔等阿爸

後背拈鮑鰱仔，佢目珠金，手腳遽，一尾也毋會漂走，輒常乜歸桶歸桶擺歸屋下，交分阿姆處理。

阿姆講：「鮑鰱仔，愛養成兩日仔，分佢呸泥呸淨來，放兜仔鹽落去分佢呸啊，厥圓身項黏个瑜膏¹就會落淨淨，正來放入鑊仔肚，用柔柔仔个火，慢慢仔焗燥來，過用盞仔張起來，到愛煮个時節，撮一撮鹽，放兜仔薑絲、七層塔、豆豉脯，過跌一息豆油落去，香馥馥个一盤上等鮑鰱仔就出桌也。」歸家大細就撒等這盤「桌心菜」，琢琢仔挾無停，實在還扯飯喔！不時愛食加幾碗飯。

還過這也係佢个飯包菜，有一擺，有一個都市有口²个同學晝該下行上行下，佢想這毋成菜³，壞勢分佢看著，會見笑，飯包蓋仔遽啊奔起來，無想著哽錫來佢个注意，硬硬愛試食，過後，幹轉頭，將佢自家个飯包拿過來，雞髀、灌腸做一下同佢交鮑鰱仔，還講：「山猴嫌，這恁好食个東西，仰好自家偷偷仔食。」自這擺過後，佢个飯包蓋仔毋識奔過，因為佢知也，佢有个佢無，佢有个佢無，大家互相交換食个，係一件蓋趣妙个事情，這也係佢第一擺食著灌腸，感覺還幸福哦～

頭擺仔便宜過火灰个鮑鰱仔，這下一斤哽愛幾百个銀正買得著，時代正式變也！

¹ 瑜膏：音 ie' go'；濕濕黏黏的液狀物。

² 有口：音 iu' heu'；形容富有的有錢人。

³ 毋成菜：音 m' sang' coi；不像樣的菜色。

【擲牙齒】陳美燕原作

頭擺個時代，生活環境無這下恁好，衛生教育還未曾普遍，大家對保護牙齒個觀念乜無恁詳細。像佢，淨朝晨頭刷牙洗一擺牙齒定定，嘴又好好食，蓋好食糖仔，故所，佢對自家做細人仔個時節，不時牙齒痛個印象蓋深。

牙齒一痛啊起來會收人命喔～細人仔教到哇天輟地¹，大人無結無煞。該下仔無麼个止痛藥，阿姆喊佢：「冷水含等！毋好緊嗽！」講越嗽會越痛。臨尾，換牙齒該下，阿姆吩咐，測著舊牙係有息把仔搖，就愛用舌嫌緊西，續等，兩枝手指拈等牙齒搖畀落，做毋得癢喊驚痛。係毋煞猛搖，等新牙暴出來無位仔好企個時節，「歸口牙齒生到契梨罈瓜²，該就蓋醜喔～」阿姆每擺恁仔嚇佢。

細門牙脣口該兩枝「虎牙」乜盡重要，阿姆講無過細義兜仔，暴出尖尖翹個「豬哥牙」來，該就壞蹄地哪！有時節佢看佢懈懈怠怠、無搭無確个樣仔，將就拿一條白線，將佢个牙齒縐縐³，出

¹ 哇天輟地：音 va' tien' zan ti；大聲哭喊。

² 契梨罈瓜：音 ngau' li' fe' gua'；歪曲不正。

³ 縐縐：音 tag' hen' hen'；綁得緊緊的。

力一掙⁴，牙齒就跔等白線飛出來地。上顎擲核个牙齒，腳愛企比比，擲去⁵眠床腳下；下顎擲核个愛擲上屋頂，講恁仔牙齒正會生過齊。

記得佢有一枝後角个大牙板，係分做「擲把戲」个人擲核个。該下仔，佢讀小學二年生，有戲班仔來莊頭做戲搭賣藥仔。佢等賣一種止痛藥水，講牙齒痛个時節點落去就做得止痛，牙齒擲核過後來點，過遽收口止血。佢問現場个細人仔：「有麼人个牙齒落落⁶無？佢同佢擲毋使錢喔～」一片講一片行到佢个面前，奇怪地，佢就無講愛分佢擲啊！佢嘎喊佢嘴學學打開，拿一支鋏仔，手板蓋遽，一下仔就將佢个牙齒擲核地。背尾佢想，定著佢企在後背个阿姆偷偷同佢講个。

過大後正了解牙齒个重要性，曉得細心細義注意牙齒个保健。過愛靚个佢每擺看著自家个牙齒生到齊齊無歪核，正知愛多謝阿姆該下仔恁有耐心教佢。

⁴ 一掙：音 id' dui'；用力拔。

⁵ 擲去：音 jied hi；丟到。

⁶ 落落：音 lod' lod'；鬆脫。

【蹶山】劉玉蕉原作

天吉光，狗吉吠，阿姆斯在該大聲喊咧！「阿榮啊，好跣咧，日頭愛出來哩啲！」

「阿珍珠，遽遽著鞋啲，愛出門哩啲！」

天曦光，日頭還在該睡目，佢一屋人斯目擘擘起腳行，共下去蹶小中崙山咧。路狹狹，草面頂个露水吉散，分佢兜个腳徑啊著，斯歸串歸串碾落地泥，一粒一粒金哲哲像珍珠樣，靚到奈毋得！佢心肝肚偷恷：係用佢兜來串一條珍珠骰鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹到領頭拗腰定仔行禮，斯像該戲臺頂，盡力表演个大明星共樣。行到山下，老妹招佢拚輪贏，看麼人做得先蹶上山嶺頂去。兩儕斯恁樣頭磬聲，麼人都毋認輸，相爭拚往上。佢座大當然輸毋得，歸路毋敢停跔，鼻噴噴大氣緊啟，直直拚上山，蹶到山頂，抓等心臟，佢啊跳到硬硬像愛恬忒樣哦！

「哇！山頂个風還涼哦！」看往下，老妹還在半山排，一隻面頰卵紅啾啾，佢看啊，廟肚个關公都無佢恁紅哦！一張嘴擘啊擘，

又像細狗在該啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身鬆爽，吹到人透心涼，頭下蹶山个艱苦，到這下也做下毋記得咧！樹頂絡食个鳥仔濟濟借借，跳上跳下叫無停，草竇肚个蟲仔毋願輸佢，也唧唧滾應聲。打早，山頂斯仰般闊熱濟借咧！眺望該山下，遠遠个東勢，到今還蒙等一層紗，在蒙紗煙肚睡都毋知好醒呢！

「遽遽，大家看！還靚哦！」

東片个雲像點胭脂樣，紅霞紅霞，紅霞退忒，係千條萬條金色个光，對山个背後射出來，無幾久，一隻大火球，斯對山頭跳出來咧，晟到人惹毋開目，晟到濛紗遽遽藏身。日時頭个事頭，對這下正正式起勢呢！

企在山嶺頂，佢兜放勢享受打早个光景，登高眺望个開闊眼界，分人心情爽快，分人知得感恩，感恩大自然賜分佢恁好个環境。阿爸長下講：「早跣床个鳥仔斯有蟲仔好食。」到這下，佢總算體會著這句話个意思咧！

編號 05 號

【鮑鰱仔】羅紫云原作

「羞羞羞，羞羞羞，無面見阿舅，阿舅打草鞋，鮑鰱鑽落泥。」聽著這首童謠時，黏皮想著頭擺擺讀書該下，鮑鰱仔，帶分涯永久記得，發夢就會流水个幸福，到今還清清楚楚。

鮑鰱仔，麼个都食，係一種當特別个淡水魚，生活在河壩、陂塘、田竇肚，深灰色有烏斑，頭那細細，目珠也細細，還有生鬚，臚身圓圓3、4寸長滑溜溜，肉質當幼，營養價值高，做得做藥仔，養身功效好，還較係一路當好个「桌心菜」，所以正有「水中之參」个講法哦！

較早該下，農藥無恁時行，斯愛有水有濫泥个位所，滿哪仔就會有鮑鰱仔，尤其係田竇肚，一年四季都有好收成，捉就捉毋忒。鮑鰱仔滑溜溜，平常時無恁該捉，記得一年有兩擺盡好捉，一擺係「煎秋日」也講「煎鰱日」立秋過後，天時還當熱，秋老虎出現，鮑鰱仔分田水燒到昏哆昏哆¹，走出來看現現，相賽擺等錫桶在田肚撈鮑鰱仔，兩下半斯一桶，暢到嘴合毋密。還一擺係冬禾割起來，收冬後，耕種人會犁田，撈泥坯搗起來分日頭晒，來年正會有好收成。涯爸係耕田人，到阿爸犁田該下，涯就會擺等錫桶，跔等阿爸

後背拈鮑鰱仔，涯目珠金，手腳遽，一尾也毋會擲走，長透乜歸桶歸桶擺轉屋下，交分阿姆處理。

阿姆講：「鮑鰱仔，愛養成兩日，分佢呷泥呷淨來，放兜鹽落去分佢泗泗仔，佢臚身黏黏瑜膏个就會敲淨淨，正來放落鑊嫲肚用柔柔个火，慢慢仔煑燥來，用盆仔張起來，到愛煮該時，撮一撮，放兜薑嫲絲、七層插、烏豆豉，過滴一點點豆油落去，香噴噴个一盤上等鮑鰱仔就出桌咧。」一家大細斯撒等這盤「桌心菜」，密密挾無停，該斯還扯飯哦！長透愛食加幾下碗飯。

還過這也係涯个飯包菜，有一擺，有一個都市好額个同學，食畫該下行上行下，涯想這毋成菜敗勢分佢看著，會見笑，飯碗蓋煞煞拚起來，無想著噯錫來佢个注意，強強愛試食，了後，幹轉頭，撈自家个飯碗仔拿過來，雞髀、煙腸做下撈涯換換鮑鰱仔，還講：「孤盲嫲，這恁好食个東西，仰好自家偷偷仔食。」對這擺過後，涯个飯碗蓋毋識揜，因為涯知咧，涯有个佢無，佢有个佢無，大家互相交換食个係一件當生趣个事情，這也係涯第一擺食到煙腸，感覺還幸福哦！

頭擺便宜過火灰个鮑鰱仔，這下一斤噯愛幾下百銀正買得著，時代正經變咧！

¹ 昏哆昏哆：音 fun de fun de；精神意識不清楚的樣子。

【擲牙齒】陳美燕原作

頭擺個時代，生活環境無這下恁好，衛生教育還古普遍，大家對保護牙齒個觀念也無恁詳細。像佢，斯朝晨頭就洗一擺牙齒定，嘴又豺，當好食糖仔，所以，佢對自家做細人仔個時節，輒輒牙齒痛個印象當深。

牙齒一痛啊起來會收命！細人仔嗽到噉噉殺天，大人無結無煞。該量時無麼個止痛藥，阿姆喊佢：「冷水含等！毋好緊嗽！」講越嗽會越痛。背尾，換牙該下，阿姆吩咐，試著舊牙有滴仔搖，就愛用舌嫌緊西，續等，兩支手指拈等牙齒搖分佢敲，做毋得癢癢¹驚痛。那係毋煞猛搖，等新牙暴出來無位仔好企個時節，「歸口牙齒生到歪哥泊杈²，該斯嫗呢！」阿姆逐擺恁樣嚇佢。

細門牙脣頭該兩支「虎牙」也盡重要，阿姆講無較細義兜仔，暴出尖尖翹個「豬哥牙」來，該就壞蹄咧哪！成時，佢看佢懈懈怠怠³、無要無緊樣，將就拿一條白車線，繆佢個牙齒綯綯，出力

¹ 癢癢：音 rhong' vo'；嬌慣，動輒大叫。

² 歪哥泊杈：音 uai go ci' ca'；歪斜不正。

³ 懈懈怠怠：音 hai+ hai+ tai+ tai+；疏懶拖延。

一挽⁴，牙齒就跔等白線飛出來咧。上顎⁵擲著个牙齒，腳愛企比比擲眠床下去；下顎擲著个愛擲上屋蓋頂，講恁樣牙齒生著正會齊。

記得佢有一支後角个大牙，係分做「撮把戲」个人擲忒个。該量時，佢讀小學兩年生，有戲班仔來莊頭做戲兼賣藥仔。佢兜賣一種止痛藥水，講牙齒痛个時節點落去做得止痛，牙齒擲忒了後來點，較遽收口止血。佢問現場个細人仔：「有麼儕牙齒敲敲無？佢繆佢擲毋使錢哦！」一頭講一頭行到佢个面頭前，奇怪咧，佢就無講愛分佢擲啊！佢噉喊佢嘴擊打開開，擎一支鉸仔，手腳伶俐就繆佢个牙齒擲忒咧。背尾佢想，定著係企在後背个阿姆偷偷繆佢講个。

到較大來，了解牙齒个重要性，曉得細心細意注意牙齒个健康。當愛靚个佢逐擺看著自家个牙齒生到齊齊無歪忒，正知愛承蒙阿姆該量時恁有耐心教佢。

⁴ 挽：音 dui'；用力拉。

⁵ 上顎：音 shong+ ngong'；上顎。

編號 01 號

【跋山】劉玉蕉原作

天吉光，狗吉吠，阿依即在咻啊！「阿榮啊，好起來，日頭討出來啊！」

「阿珍妹，攔緊著鞋哦，討出門啊！」

天甫光，日頭猶在睡，偌人歸屋下即目珠接接起腳行，共下去跋小中崙山啊。路狹狹，草面上个露水吉開，得偌人个腳徑著，即歸串歸串輪落泥下，一粒一粒金箭箭像珍珠，全然靚！偌心肝內偷偷想：若用偌人來串一條珍珠毬鍊，送得阿依戴，毋知幾靚哦！

涼涼个風，一臨一臨吹來，路脣个花花草草，得佢吹到頓頭拗腰款款行禮，即像選戲臺嶼，出力表演个大明星共款。行到山下，阿妹招偌拚輸贏，偌麼儕會用先跋上山嶼尾。兩儕即恁頭犁犁，麼儕攏毋認輸，相爭拚向上。偌較大當然毋會用輸，歸路毋敢擋恬，鼻怦怦，大氣直直放，直直拚上山，跋到山嶼，心頭擲蹣，佢跳到硬硬討恬去啊！

「哇！山嶼个風真涼呢！」睨落去，阿妹猶在半山腰，一個面頰卵紅激激，偌睨一下，廟个關公都無佢恁紅哦！一支嘴擘啊擘，又像狗么在放氣，實在真心色，真好笑！

山嶼个風，特別清，特別涼，風內底有東勢果子个香氣，有花花草草个清甜氣味，這風吹到人歸身快活，吹到人透心涼，進前跋山个艱難，到這下嘛做一下添放啊！樹嶼絡食个鳥吱吱喳喳，跳上跳落喊無歇，草墩个蟲毋願輸佢，嘛唧唧啱應聲。打早，山嶼即恁誠鬧熱滾滾啊！望向還山下，遠遠个東勢，到今猶蒙一緣紗，在濛內底睡猶毋知好醒咧！

「較緊，大家睜！真靚哦！」

東片个雲像點胭脂，紅牙紅牙，紅牙退去，係千條萬條个金色光，對山个後背射出來，無幾久，一粒大火球，即對山頭跳出來啊，晟到人目珠擘毋會開，晟到濛攔緊藏身。日時頭个事頭，對這下正正式起頭！

企在山嶼尾，偌人盡量享受打早个光景，登高遠望个開闊視野，得人心情快活，得人知感恩，感恩大自然賜得偌人恁个好環境。阿估不時講：「早起來个鳥正有蟲好食。」到這滿，偌總算體會著這句事个意思啊！

【湖鰻】羅紫云原作

「差差差，差差差，無面見阿舅，阿舅打草鞋，湖鰻鑽入泥。」聽著這條念嘴貶¹個時，黏時想著成過讀書遐時務，湖鰻隨得俚毋會添放個，遐發夢嘛會流口涎個福氣，到今猶清清楚楚。

湖鰻，麼個都食，係一種真特別個淡水魚，生活在溪底、陂塘、田底。暗火灰色，有烏斑，頭那細細，目珠嘛細細，猶有生鬚。臘身圓圓，三、四寸長，滑溜溜。肉質真幼，營養價值高，會用做藥，養身功效好，猶擱係一落真好個「桌心菜」，所以正有「水中之參」個講法哦！

較早個時，農藥無恁時行，若有水、有濫泥個所在，滿哪位即會有湖鰻，尤其係田底，一年四季攏有通收成，捉都捉毋會了。湖鰻滑溜溜，普通時無恁快捉。記得一年有兩擺頭好捉，一擺係「煎秋日」，嘛講「煎缺日」。立秋過後，天氣猶真熱，秋老虎若來，湖鰻得田水燒到頭那暈暈，走出來，睨現現，相賽擧錫桶在田底撈湖鰻，兩下半即一桶，暢到嘴合毋會假。猶一擺係冬禾割起來，收冬了後，作糞人會犁田，加泥坯搗起來得日頭炙，明年正會有好收成。

¹ 念嘴貶：音 neem zhe' been'；唸謔。

係怙係作糞人，到阿怙犁田還下，俚即會擧錫桶，跔在阿怙後背撿湖鰻。俚目珠金，腳手緊，一尾嘛毋會溜走，不時嘛歸桶歸桶擧轉屋下，交得阿依發落。

阿依講：「湖鰻，大討愛供一兩日，得佢呸泥呸淨俐，撒一兜仔鹽落去，得佢泗泗個，佢膽身黏黏個□即會啟淨淨；擱來因落鑊，用慢慢子火，款款烘燥，用盞裝起來；到討煮個時，撮一撮，因一兜仔薑嫲絲、七層塔、烏豆豉，擱滴一兜仔豆油落去，香噴噴個一盤上等湖鰻即出桌啊。」歸屋下大細即扭這盤「桌心菜」，密密挾無歇，遐即真落飯哦！不時愛加食幾下碗飯。

啊擱這嘛係俚個飯包菜。有一擺，一個城市好額個同學，食當晝個時行上行落，俚想這毋成菜歹勢得佢睨著，會見笑，飯殼²蓋擱緊揸³起來，無想著嘎加佢錫過來，打強討試食。試食了後，幹頭，加自家個飯殼提過來，雞脾、煙腸做一下和佢換湖鰻，猶講：「妹子鬼！這恁好食個物件，仰子會自家偷偷食。」自這擺了後，俚個飯殼蓋毋識揸，因為佢知啊，俚有個佢無，佢有個佢無，大家相交換食個係一件真心色個事情。這嘛係俚第一擺食著煙腸，感覺真福氣哦！

成過便宜貴賤個湖鰻，這滿一斤嘎愛幾下百撻正買會著，時代正經改變啊！

² 飯殼：音 pon kog'；飯盒。

³ 揸：音 keb'；掩蓋。

【擲牙】陳美燕原作

成過个時代，生活環境無現時恁好，衛生教育猶古普遍，大家對保護牙个觀念嘛無恁詳細。像恁，正晨早起來，洗一擺牙定，嘴擱豺，真愛食糖。所以，細子時，恁對自家恬恬牙疾个印象真深。

牙若疾起來，會愛人个命咧！細子啞到噉噉¹，大人嘛無奈無何。遐時無麼个止疾个藥，阿依喊恁：「冷水含蹄！毋好直直噉！」

講越噉會越疾。落尾，換牙遐下，阿依吩咐，感覺舊牙有一兜仔搖，即愛用舌直搥²；續落，兩肢手指頭拗牙搖得佢戢，毋會用張樣驚疾。若係毋認真搖，等新牙發出來，無位好企个時，「歸嘴牙生到歪泊杈³，遐即稞樣啊！」阿依逐擺擺恁嚇恁。

小門牙胥遐兩支「虎牙」嘛真要緊。阿依講若無較細義兜，暴出尖尖翹个「豬哥牙」來，遐即壞了了啊！有時務，佢暱恁懶懶，無要無緊个形，歸氣提一條白車線，拗恁个牙縐絛絛，出力一揪，牙即跣白線飛出來啊。上齡擲个牙，腳愛企齊齊擊去眠床下；下齡

擲个愛擊去屋瓦嶺，講恁牙正生會齊正。

記得恁有一支後角个大牙，係得做「變把戲」个人擲莫个。遐時，恁讀小學二年，有戲班來莊頭做戲兼賣藥。佢人賣一種止疾个藥水，講牙疾个時務，點落去會用止疾；牙擲莫了後來點，較緊收煞止血。佢問現場个細子：「有麼儕个牙戢戢無？佢拗佢擲，毋使錢哦！」著面講著面行到恁个面頭前。奇怪呢！佢都無講討得佢擲啊！佢噉喊恁嘴擱開，擎一支鋏，手腳伶俐即拗恁个牙擲莫啊。落尾恁想，定著係企在後背个阿依偷偷講个。

到較大漢來，了解牙个要緊，知愛斟酌細義注意牙个康健。真愛靚个恁，逐擺暱著自家个牙生到齊齊無歪去，正如愛勞力阿依遐時恁有耐心教恁。

¹ 噉噉：音 bbee` bbee` bui`；哇哇叫。

² 搥：音 su`；推。

³ 歪泊杈：音 uainn` goo` ci` ca`；歪斜不正。

【馮山】劉玉蕉原作

天吉光，狗吉吠，阿媽斯咧咧！「阿榮啊，好貽起咧，日頭愛出來哩哟！」

「阿珍珠，遽遽著鞋哦，愛出門哩哟！」

天甫甫光，日頭還在該睡，佢兜一屋下斯目學學仔起腳行，共下去馮小中崙山咧。路狹狹，草面頂个露水吉散，分佢兜个腳徑啊著，斯歸串歸串碾落地泥，一粒一粒金簪像珍珠樣，靚到奈毋得！佢心肝肚偷恁想：係用佢兜來串一條珍珠釧鍊，送分阿媽戴，毋知幾靚哦！

涼爽个風，一陣一陣吹來，路脣个花花草草，分風吹到領頭攞腰緊行禮，斯像該戲臺面頂，落力表演个大明星共樣。行到山下，老妹湊佢拚輪贏，恁麼人做得先馮上山嶺頂去。兩儕斯恁樣頭磬聲，麼人都毋認輪，相爭拚往上。佢座大當然輸毋得，歸路毋敢停跔，鼻噴噴大氣緊攸，直直拚上山，馮到山頂，抓等心肝，佢啊跳到硬硬像恬忒樣！

「哇！山頂个風當涼哪！」恁往下，老妹還在該半山排，佢面頰卵紅啾啾，佢恁下，廟肚个關公都無佢恁紅哦！一張嘴擘啊擘，

又像細狗仔在該放氣，實在有罇古董，有罇好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹著人歸身鬆爽，吹著人透心涼，進前馮山个艱苦，到這下也做下毋記得咧！樹頂絡食个鳥仔吱吱喳喳，跳上跳下唱無停，草窠个蟲仔毋願輸佢，也唧唧滾應聲。打早，山頂斯恁樣鬧熱煎煎咧！眺望該山下，遠遠个東勢，到今還蒙等一層紗，在縹紗煙肚睡都毋知好醒呢！

「遽遽，大家睜！還靚哦！」

東片个雲像點胭脂个樣，紅霞紅霞，紅霞退忒，係千條萬條个金色光，對山个背後射出來，無幾久，一粒大火球，斯對山頭跳出來咧，晟到人擘毋開目，晟到縹煙遽遽掩身。日時頭个事頭，對這下正正式起勢呢！

企在山棟頂，佢兜放勢享受打早个光景，登高眺望个開闊視野，分人心情快活，分人知得感恩，感恩大自然送分个恁恁樣个好環境。阿爸長透講：「早貽起个鳥正有蟲仔好食。」到這下，佢總算體會著這句話个意思咧！

【鮑鰵仔】羅紫云原作

「差差差，差差差，無面見阿舅，阿舅打草鞋，鮑鰵鑽入泥。」
聽著這首童謠時，旋風想著頭擺讀書該下，鮑鰵仔，帶分偌永久記憶，發夢就會流水个幸福，到今還清清楚楚。

鮑鰵仔，麼个都食，係一種當特別个淡水魚，生在溪壩、陂塘、田竇肚，深灰色有烏斑，頭那細細，目珠乜細細，還有生鬚，膾身圓圓3、4寸長滑溜溜，肉質當幼，營養價值高，做得做藥仔，顧身體，功效好，還較係一品當好个「桌心菜」，所以正有「水中之爹」个講法哦！

較早該下，農藥無恁時行，斯愛有水有濫泥个位所，滿哪仔就會有鮑鰵仔，尤其係田竇肚，一年四季都有好收成，捉就捉毋忒。鮑鰵仔滑溜溜，平常時無恁該捉，記得一年有兩擺盡好捉，一擺係「煎秋日」，也講「煎鰵日」，立秋過後，天時還當熱，秋老虎出現，鮑鰵仔分田水燒到昏咯昏咯，走出來睺現現，相賽擺等錫桶在田町撈鮑鰵仔，兩下半斯一桶，暢到嘴合毋拏。還一擺係冬禾割起來，收冬後，耕種人會犁田，撈泥坯搗起來分日頭炙，來年正會有好收成。偌爸係耕田人，到阿爸犁田該下，偌就會擺等錫桶，珍等阿爸

後背拈鮑鰵仔，偌目珠金，手腳遽，一尾也毋會漂走，長透乜歸桶歸桶擺轉屋下，交分阿姆處理。

阿姆講：「鮑鰵仔，愛養成兩日，分佢呸泥呸淨來，放兜鹽落去分佢洄仔，佢膾身黏黏瑜膏个就會皎淨淨，正來放落鑊嫌肚用柔柔仔个火，慢慢仔煑燥來，用盎仔張起來，到愛煮該下，撮一撮，放兜薑嫌絲、七層插、烏豆豉，過滴一點點豆油落去，香噴噴个一盤上等鮑鰵仔就出桌咧。」一家大細斯撒等這盤「桌心菜」，密密挾無停，該斯還扯飯喔！長透愛食加幾碗飯。

還過這乜係偌个飯包菜，有一擺，有一個都市好額个同學食畫該下行上下，偌想這毋成菜敗勢分佢睺著，會見笑，飯碗蓋仔煞煞揞起來，無想著嘎錫來佢个注意，強強愛試食，了後，幹轉頭，撈自家个飯碗仔提過來，雞髀、煙腸做下撈偌換換鮑鰵仔，還講：「孤盲嫌，這恁好食个東西，仰好自家偷偷仔食。」自這擺過後，偌个飯碗蓋仔毋識揞，因為偌知咧，偌有个佢無，佢有个偌無，大家互相交換食，係一件當心色个事情，這乜係偌第一擺食到煙腸，感覺還幸福哦～

頭擺便宜過火灰个鮑鰵仔，這下一斤嘎愛幾百銀正買得著，時代正經變咧！

【擲牙齒】陳美燕原作

頭擺個時代，生活環境無現下恁好，衛生教育還古普遍，大家對保護牙齒個觀念也無恁詳細。像佢，斯晨早頭跣起洗一擺牙齒定一定，嘴又豺¹，當好食糖仔，所以，佢對自家做細人仔個時節，輒輒牙齒疾個印象當深。

牙齒一疾啊起來斯會收命哦～細人仔嘍到噉噉殺天²，大人無結無煞。該量時無麼個止疾藥，阿媽喊佢：「冷水含等！毋好緊嘍！」講越嘍會越疾。背尾，換牙該下，阿媽吩咐，試著舊牙有滴仔搖，就愛用舌嫵緊挺³，續等，兩枝手指拈等牙齒搖分佢敲⁴，做毋得癢癢⁵驚疾。若係毋煞猛搖，等新牙暴出來無位仔好企個時節，「歸口牙齒生到歪哥泊杈⁶，該斯嫵⁷哪～」阿媽逐擺恁樣嚇佢。

細門牙旁脣該兩枝「虎牙」也盡重要，阿媽講無較細義兜仔，暴出尖尖翹個「豬哥牙」來，該就壞蹄咧咧！成時，佢暝佢解解

¹ 豺：音 sai；貪吃。

² 噉噉殺天：音 ve vong sad tien；大聲哭喊。

³ 挺：音 sung；推。

⁴ 敲：音 lud；鬆脫。

⁵ 癢癢：音 rhiong vo；嬌慣，動輒大叫。

⁶ 歪哥泊杈：音 uai go ci ca；歪斜不正。

⁷ 嫵：音 zhe；醜。

急急⁸、無要無緊樣仔，將就提一條白車線，摺佢個牙齒綯綯⁹，出力一掙¹⁰，牙齒就跔等白線飛出來咧。上顎¹¹擲着個牙齒，腳愛企比比¹²擲去眠床下；下顎擲着個愛擲上屋當頂，講恁樣牙齒生着正會齊。

記得佢有一枝後角個大牙，係分做「撮把戲¹³」個人擲忒個。該量時，佢讀小學兩年生，有戲班仔來莊頭做戲兼賣藥仔。佢兜賣一種止疾藥水，講牙齒疾個時節點落去做得止疾，牙齒擲忒了後來點，較遽收口止血。佢問現場個細人仔：「有麼儕牙齒敲敲無？佢摺佢毋使錢喔～」一頭講一頭行到佢個面前，奇怪咧，佢就無講愛分佢擲啊！佢噉喊佢嘴摺打開開，擎一枝鉗仔，手腳伶俐¹⁴就摺佢個牙齒擲忒咧。背尾佢想，定著係企在後背個阿媽偷偷摺佢講個。

到較大來，了解牙齒個重要性，曉得細心細義注意牙齒個健康。當愛靚個佢逐擺暝着自家個牙齒生到齊齊無歪忒，正知愛承蒙阿媽該量時恁有耐心教佢。

⁸ 懈怠：音 hai tai；鬆懈。

⁹ 綯綯：音 to hen hen；綁得緊緊的。

¹⁰ 掙：音 dui；用力拔。

¹¹ 上顎：音 shong ngong；上顎。

¹² 比比：音 be be；齊。

¹³ 撮把戲：音 ood ba hi；雜耍戲。

¹⁴ 手腳伶俐：音 shiu giog lang li；動作乾淨俐落。